

A nu hi vawi 2 a pa pawl tir tur a ni a, chawhmaah vawi khat, chawhnuah vawi khat pawltir tur a ni a, hei hian an rai that theih nan leh no an neih tama an neih that theih nan nasa takin a pui a ni. Khawlum lai chuan inpawltir loh hram tur a ni. No an pai hun chhung hi ni 30 emaw a aia rei hret emaw a ni a. Note an neih dawn hnaihah chuan, a nu hian a hmul hmangin 'bu'a siam thin a ni. An bu siam nana an hman theih tur ang chi – buhpawl, wheat pawl, phulro emaw hnimhnaah ro etc emaw pek tur a ni. A nu hian a tlangpuiin no 6 vawikhatah a nei thei a, chu aia tam 6-12 pawh a nei thei a ni. A pian hlim in sazupui no chu hmul neilo leh mitdelin a piang a, a pian atanga ni 9-10 vel chhung chu an mit a del a. Hmul erawh chu ni 4 na atangin a to tan a, a than that dan azirin ni 30-42 chhungin lakhran tur an ni. Lakhran an nih veleh an vai chuan hmunkhatah dahkhawm tur an ni a, chumi zawhah zawi zawiin a hrang theuhin khung hran tur an ni. A nu chu a no an lakhran atanga ni 7-10 velah chi thlah thei dinhmunah a awm leh tawh a ni.

Dawra hralh theih hun tur :

Sazupui chu ni 90 a upa a lo nih a, kg 2 a tlin tawh chuan, a hralhchhuah theih tawh tihna a ni a. Puah vek hnuah za a 60 vel a la ni thei a ni.

Hriselna :

Sazupui hriselna enkawl that hi an inthlahchhawn that ngei theih nan a pawimawh hle. Sazupui te chu nitin uluk tak leh ngunthluk taka enfiah tur an ni a, engemaw thil felhleh a awm a nih chuan enfiah a, enkawl

---- Phok: 4-na

nghal tur an ni. Sazupui natna langsar zual thenkhat te chu a phek dawt lehah hian tarlan an ni.

SAZUPI NATNA TLANGLAWN LEH LANGSAR ZUAL TE :

| Sl. No | Natna hming | Natna lanchhuah dan | A venna leh enkawl na |
|--------|-----------------------------|--|---|
| 1 | Coccidiosis | Chaw ei tuilo, taksa/vun thap, zawi, kawthalo, mutchhuah hmeltaka bawh | Cocciodostat (sulmet) 1.5 ml. kg 1 a ritah, an chaw nena chawhpawlh a, pek tur. Chumi hnuah 0.75 ml. kg 1 a ritah, ni 4 chhung atan an chaw ah pawlh leh tur. |
| 2 | A flatoxicosis | Chaw ei tuilo, awm hle hle theilo, dul vung, nau chhiat, thihna tam | An chaw enfiah tur a ni a, a hmuar in a chhia anih chuan paih a, a dang tharlam tha pek tur a ni. Hmun hnawngah an chaw hi dah loh tur |
| 3 | Ear Canker | Beng thak reng anga awm, beng vun chung leh beng chhungah tuihnang eng a awm | An beng tihfai sak a, <i>Loxarene lotion</i> hnawhsak tur |
| 4 | Mucoid Enteritis | Santen ek angin an ek a awm | Antibiotic pek a, fibre lam awm tamna lam chaw pek tur |
| 5 | Chronic Rhinitis (snuffles) | Hahchhiau, hnaptui chhuak nasa, an hnar an ke hmalam inkara an nawr in nawr in | Antibiotic chi khat, <i>Oxytetracycline</i> pek tur |

LEAFLET NO.04/2016/KVK (NVLP)

Compiled by :-

*K.Laltlanmawia, Senior Scientist and Head
Dr. Animesh Deka Scientist(Animal Sc.)*

---- Phok: 5-na



**Krishi Vigyan Kendra
Serchhip District**
N. Vanlaiphai - 796181
kvkserchhip@gmail.com

BROILER SAZUPI VULH



*Publish under
National Initiative of Climate Resilient
Agriculture (TDC)
2016-2017*

Hmarchhak (North-East) a awm mi tam zawk chu sa ei mi niin, sa ei thua khap burna dan a awmlo a, sa pawh an intodelh tawk a ni. An ranvulh langsar zualte chu -vawk, kel, beram, ar leh bawngte an ni. Hengte bakah hian a sa ei atan sazupui pawh ar nen a inkarthlaka vulh theih a ni.

Sazupui vulh in a tum :

Ran zingah hian sazupui chiah hi a thlahte atanga kumkhata vawi 10-15 emaw a aia tam sa eitur pe chhuak thei a ni a, sazupui sa hian thau leh cholesterol a pai tlemin, lung natna vei tan a tha a ni. Heng bakah hian sazupuite hian sahmul, savun leh leitha min pe a ni.

Sazupui vulh hlawnate :

1. Sazupui hi awlsam takin mahni in bul hnaiah a vulh theihin, a in siamna senso leh a enkawl pawh a hautaklo a ni.
2. Sazupui sa ah hian protein a tam a, tin, an hmul pawh sahmul tha tak a ni bawk.
3. Ran dang aiin an thang chakin chawm an awlsam bik a ni.
4. Chaw nawi emaw, thlai leh hnimhnahin sazupui chu a chawm in, a enkawl theih a ni.
5. Kar 12 chhung lekin 1.5-2 kg a rit an ni thei.
6. Sazupui hian kum khatah vawi 4-5 chi an thlah thei a, a tlangpuiin vawikhatah note 5 an hring thei a ni.
7. Sazupui no pai hun chhung hi ni 30-31 a ni a, engtiklai pawhin chi thlah theihna an nei a, no an neih zawhhlumah pawh no an pai leh thei nghal a ni.

Sazupui vulh dan chi thumte :

1. In bul hnaia vulh :

A nu tlem leh a pa pakhat emaw 2 emaw dah. Thlai hnimhnah, hnahhring etc. te a chawm. Hei hian chhungkaw mamawh a phuhruk tawk a ni.

2. Sumdawanna te tham atana vulh :

A nu 10-15 vel vulh a ni a. A tum chu hlawnate tura a sa hralhchhuah a ni. Chaw tur thlurbing neia, thlai hnahhring tam tawk nena chawm a ni.

3. Sumdawanna lian tham atana vulh :

Sazupuite hi sumdawanna lian tham atana vulh theih an ni a. Mahse, hemi atan hian market ngelnghet tak, hralh leh zawrh chhuahna a mamawhin, chaw tha (good quality feed) leh veterinary lam mithiam a mamawh a ni.

A In :

Sazupuite hian an inhumhim nan leh an tlanbo mai loh nan in an mamawh a. An in hi chi hrang pathum a sak dan a awm a, chungte chu :

1) Cage System (Hung hnan) : A lenzawng pangngai 2ft x 1.5ft, wire mash (thirzai) 16-18 gauge, a bang awng lenzawng tur $\frac{3}{4}$ inch. Note neihna hmun tur lenzawng 4ft x 3ft.

2) Hutch (Thirlen awng) : Mau emaw thirlen emaw hmanga sak a ni a, a chungah rangva (GI Sheet) emaw di emaw hman tur a ni. Hetiang ang inah hian pindan 2-8 vel, bang in a a pindan a awm tur a ni a. Heng pindan tin te hi an lenzawng tur $3\frac{1}{2}$ ft x 3ft x $3\frac{1}{2}$ ft an ni tur a ni. Hetiang ang hi kawtkaia vulh nan a rem bik a ni.

3) Floor System (A chhuat) : Sazupui chu a

in chhuatah dah tur a ni a. Pindan hrangah an kum upat dan anga bithliah a, a pawl (group) ang a dahhran tur an ni. Sazupui pakhat in hmunawl a mamawh zat chu 4 bial a ni.

An inah chuan chaw leh tui pekna tur hlum leh steel a siam dah tel tur a ni a. Sazupui vulhtu harsa deuh, a insak nana pawisa hman tur nei tamlo tan chuan hmanraw awmsa bawm hlui te, mau te, bur ruak etc. a hman theih a ni.

A chaw:

Sazupui hi hnim hnah hring ring ran an ni a, hei vang hian chawm an awlsam bik a ni. In bulhnaia a vulh mai chi te tan chuan sazupui chu chaw nawi, hnim hnah, thinghnah leh thlaizung te nena chawhpawl in a enkawl theih a ni. Mahse, hetiang chawm hian a hlawnate lova, churang chuan an ei tur a siam bik chaw (vaimim, oilcake, wheat vai etc.) leh an chaw ei a pawl chi (mineral mixture, vitamin leh chi) te nena chawhpawl pek thin tur a ni a, sazupui pakhat hian nitinin 80-120 gram a mamawh a ni. Tui thianghlim tam tawk an mamawh a, sazupui pakhatin nitina tui a mamawh zat chu pava 1 atanga, pava 2 vel a ni.

Chi thlah dan :

Sazupui, a nu leh a pa te hi thla 5 chhungin chi thlah thei turin an puitling a. A nu zawk chu a pa pawl turin a pa awmna hmunah dah tur a ni. An inpawl puitling nge puitlinglo tih hetiang hian a hriat theih a ni -
a) A pa, a nu sir lama a tlak thlak hnawkin
b) A pa in ring vak lovin ri a siam (a te)